

hodiè

E L B A.



Lva, hodie *Elba*, Græcis *Æthalia*, sita est in mari Tyrrheno inter Corsicam & Italiae continentem, decem miliaribus ab hoc, illa vero triginta septem distans: in continenti proximus locus est Plombinum, olim paulo supra ad occidentem Populonia erat, quæ nunc Portus Barattus dicitur. Interjacentibus *Palmaruola* & *Cerboli* desertis fere & nullis operibus munitis insulis. Ilvæ meminerunt Plinius, Mela, Ptolemæus, Strabo, Solinus. Aristoteles quoque suo ævo scribit insulam hanc multo ære fuisse sæcundissimam: *Italia.*

verum deficiente ære ingentem ferri, stanni,
sulfuris, aluminis, magnetis & plumbi copiam
suppeditat. Et miraculi instar est, fodinas hic
erutas post viginti annos rursus impleri at-
que renasci, quasi ferrum nunquam inde ab-
latum fuisset. Vnde non immerito nobilis ob
metalla hæc insula Virgilio dicitur. Aliud est
miraculum, non posse liquefieri hic ferrum in
eadem insula effossum, quod tamen alio trans-
latum liquefit. Perhibent in Insulæ medio fon-
tem esse ejus naturæ, ut cum diebus crescat de-
crescatque, adeo ut circa Solstitium æstivum,
cum dies sunt longiores, maximam aquarum
copiam emittat, circa Solstitium Hibernum
quasi siccus permaneat. *Ad Æthaliæ*, inquit
Strabo, *portus est Argæus*, ab *Argo* navi sic dictus,
ut ajunt. Eo enim perhibent *Iasonem* navigasse, *Circus*
domi-